

估唔到天水圍六星鎮，竟然係通往異世界嘅入口。

作者: 主呀

Powered by [紙言](#)

一：試用期

今日一如往常手機鬧鐘鈴聲準時6點半響起，又要起身返工，所以心情都唔係幾好，再加上行出房門見到隻狗又周圍柯屎柯尿，不過我都一於懶理收工再清潔，因為小弟住天水圍要8點前返到嘅市區嘅公司。

「自我介紹返先，我叫陳浩峰，年齡23。」

雖然每日都係好眼訓咁搭車返工架啦，但係最近我發現有一個女仔日日都係同一個時間同一架車箱遇到佢，平時都留意到佢會係元朗洛車，不過今日唔知發咩神經，勁想問個女仔拎電話，我認我呢刻係忸忸上身上，趁條女係元朗洛車個時我行咗過去問。

「hello，唔知可唔可以問你拎個電話號碼，因為呢排都成日見到你。」

「哈哈，其實我都成日見到你，不過電話就唔好啦，俾我Iq你好唔好啊。」她眯眼微笑著說道

「好呀，其實我就快要遲到啦，我上車先啦，ig再傾啦byebye。」

之後等緊車既期間，我仲停留緊佢啱啱笑嗰個樣，點解會有人可以笑得咁好睇，如果呢個世界有天使我諗就係咁嘅樣。

返到公司不出所料我當然係遲晒大到㗎啦。

上司：「呀峰，試用期都未過，你三日唔埋兩日就遲到，你係咪想無得撈。」

我心諗：「底薪得個8千，日日同你ot又無糧出，仲要經常開埋啲無謂會議係到洗腦話呢一行有無限潛力，大佬，香港邊有咁多有錢佬買樓，香港地人多又地少，有錢嘅繼續有錢，窮嘅就越窮。」

咁我緊係唔會咁講啦。

「唔好意思呀，我天日會準時架啦，因為今日見有少少唔舒服遲咗起身。」

「懶人真係多病痛，都唔知係唔係真，今個星期再開唔到單你就真係唔洗撈，各位同事記得唔好學佢啦。」估唔到個仆街上司居然當住全部同事大聲咁講。

「我都忍咗你好撚耐，ot無補水不突止仲要受你氣，我而家就唔做，唔該你出埋呢個月份糧比我。」之後我就頭也不回行走咗，留低個仆街上司一路跟住我一路屌。

「走住嚟屌無撚用。」上司聽到之後啞咗。呢一句應該就係我係公司最有存在性嘅一刻。

二：糖水

返到屋企清潔埋啲排泄物，就一定係搵女神啦，于是我ig搵佢。

「hi,我叫陳浩峰，可以叫我呀峰，我係今朝早問你拎電話但係你俾ig嗰個呀。」

「我知呀，你唔係返緊工咩，做乜得閒搵我嘅，同埋我叫周梓瑜。」估唔到佢秒回

「其實我啱啱辭咗職。」

「吓，點解嘅。」

跟住我就同佢講晒成個過程。

「咁不如今晚我請你食糖水喇，唔好記住啲唔開心嘅嘢，夜晚7點天西下面間糖水舖等啦。」

「好呀，今晚見。」其實我真係估唔到女神竟然會約我。

打打下機話咁快就6點啦，都係時候出門口。

我準時到咗，但係未見到周梓瑜，正當我想add佢時就見到佢笑住向我揮手。「好撻靚，有仙氣。」
內心os

「咦，好準時嗰你，真係7點到。」

「係呀，你都係。」

好尷尬.....不過話晒小弟我拍拖經驗唔多。

「不如我地入去食飯，一陣坐低再慢慢講。」早到咗半個鐘嘅我已經出晒汗。

「好呀。」

途中雖然好多時候大家都無野講，不過講起最近某討論區講緊天水圍六星陣當年發生過啲嘅事，又話死過人、又有人作法個啲，但係我同周梓瑜住咗咁耐都認為無事發生過。

我見周梓瑜好有興趣就提議：「不如我地去睇下入邊有啲咩，你唔係唔夠膽啊！」

「邊個話我唔夠膽呀！不過你行先。」

三：進入異世界

「喂 呀峰，入邊又黑又多塵，不如唔好入去啦。」

我又點會放棄一個趁黑抽水嘅機會呀，但係行到去竟然有保安守著。

「啦...我哋等個保安去廁所個時偷偷入去，怕未出聲囉...我唔會笑你架啫。」我說

「行未行囉，不過你唔準玩埋啲小朋友行為，無啦啦嚇我。」

入到去伸手不見五指，第一時間當然係拎手機出嚟照下，我發現有條樓梯可以上去，我便提議。

「周梓瑜，行埋條樓梯上去睇下有啲咩。」

「快啲啦，睇完我想快啲返屋企沖涼呀！」

條樓梯唔知係唔係歷史太悠久，行嘅時候一路發出類似吱吱...吱吱聲，行到最後見到有間房，都行到嚟呢到，唔睇下入邊有啲咩，滿足唔到我嘅好奇心，推開房門隱隱約約見到有好似鋼之鍊金術師嘅練成陣圖形係地下，練成陣中間有張紙，上面寫著「影，當年懷疑你大家都錯了，我們被首席大魔法師背叛引致受到敵國攻擊，在敵軍強烈攻勢下近年已經放棄幾座領土，所以我們國家請了眾多魔法師一起用魔法陣向地球發出信件，希望你能回來幫忙守護愛歐尼亞帝國。」讀到呢到我同周梓瑜都望住大家窒咗一窒先開口。

「中二病發作？哈哈。」我說

梓瑜：「喂，唔好笑住先啦，你聽唔聽到有人行緊上嚟呀！！」

正當我打算拉埋梓瑜隻手急急腳咁走嘅時候門口突然之間...大力自己關上了。

「搞乜呀，快啲放我地出去，唔係我報警㗎。」被梓瑜攬着手的我說道

可是只換來門外一句「遲啲見。」

下一秒只見地下嘅魔法陣出現白光，由少少白光直到得返一片白色，之後出現入我眼前嘅係十二個著白衫連帽嘅人。

四：艾華

我仲沉醉緊比梓瑜攬著隻手嘅時候，比一把好低沉嘅聲線打斷咁。

「你係影？點解你樣貌變年輕咗幾十年，同埋攬住你嗰位女仔係邊個。」

周梓瑜見周圍都係人亦都即刻放開攬住我隻手。

「喂，呀峰呢到邊到嚟架？你係咪整蠱我？」

「唔知呀...我仲驚過你，出現白光之後成個地方唔同晒，不過邊個係影呀！」我問

「影，曾經係我哋帝國最強魔法師，不過因為一啲事我哋驅逐咗佢去其他星球，話說你哋2個又係咩人。」白杉問。

此時我在腦海中有無數個想法出現，動漫就睇得多啦，通常呢啲情況我都係男主角而周梓瑜一定係女主角，同埋我一定好勁。

「其實我係來自一個叫做地球嘅星球嘅人，本來我地諗住去一個名為六星陣嘅地方探險，點知打算走嘅時候，門口就突然關上同埋有一個人同我哋講話遲啲見，之後如你所見，我哋就出現咗係呢到。」我無奈地說。

「嗯，咁大致上我都了解，你哋應該就係影傳送過嚟嘅人。」

「咁你可唔可以傳送我哋返去架，我係地球仲有親人有工作，我唔可以留係到！」周梓瑜緊張的問。

「其實傳送魔法屬於非常高級嘅魔法，傳送死物消耗唔大，但係傳送嘅嘢含有生命嘅話，當中需要嘅靈力和精神力我嘅承受範圍，雖然我係可以將你哋傳送返去自己嘅星球，但係我唔會，因為一旦傳送你兩個返去，我就會徹底失去靈力變回普通人甚至變成一個冇自主意識，無能力守護帝國，你哋都睇到嘅地球嘅信件啦，而且我相信影傳送你哋過嚟有佢嘅原因，所以呢件事我無能為力。」

「咁點解係地球嗰個人又可以將我哋傳送過嚟，咁佢咪無晒靈力仲點幫你哋呀！！」周梓瑜生氣地說。

「係囉係囉，佢講得啱呀。」我係側邊附和說。

「我啱啱先講過，影佢係帝國最強魔法師，9歲已經學識魔法學院所有魔法，喺被喻為天才嘅存在，擁有近似無上限量嘅靈力，所以佢係例外。另外一直都未自我介紹，我叫艾華，我係其餘11人嘅隊長，負責守護傳送陣。接洛嚟我會安排你地去見國王。」

「周梓瑜，睇嚟我地返去只能夠等嗰個叫影嘅人返嚟先返到去原先個世界，咁趁呢段時間我哋當去咗旅行啦。」我只能夠這樣安慰著她。

「唯有係咁啦！」梓瑜一臉不爽地說。

接下來我同周梓瑜就跟住嘅艾華身後去見國王，途中看見好多小孩在追追逐逐，又有不少人和商家在

路上兩旁買賣東西，看到這麼溫馨的畫面。

「唔係打緊仗架咩，咁和平嘅。」我暗自猜想